

Sangang na Dekas Seket I lukautim Imanuel na Kainantu

Written by Warime Gutti

Tuesday, 12 January 2010 00:00 -



By Etrisen Bameng (UPNG) & Savina Justine (Unitech)

Ol manmeri bilong Sangang na Dekas seket insait long Yabim Distrik i lukautim ol delegets i kam long Kainantu na Emmanuel Distrik. Taim ol i wok long kuk i stap, PMV i karim sampela moa manmeri na kaikai i go insait long skul. I gat 120pela manmeri husait ol i bin makim lo lukautim ol delegets long kaikai. Tasol i gat arapela manmeri husait i laik soim sapot bilong ol tu stap namel long dispel lain bilong kuk. Max Wabbie bilong Sangang paris i lukautim ol lain husait bai was long paia na haus kuk. Namba bilong delegets i kamap olsem 630.

Insait long Sangang Distrik i gat 5pela paris. Ol manmeri bilong dispela seket na Dekas seket i kam wantaim 36pela pik na ol i pulapim wanpela bigpela haus kuk wantaim banana (marafuri). Long wanwan de bai ol i kilim 3pela pik bilong kuk long lans na apinun long delegets ol i lukautim. Long moning ol delegets bilong ol i kaikai skon na bred wantaim sampela kaikai bilong gaden.

Helt inspekta Mr McNeil blong Resurrection Paris tu i go kamap na lukluk long kaikai samting bilong ol. Na tu em i givim sampela tok lukaut long abrusim sik kolera na pekpek wara.